

БСБ - Төв Азийн Бизнес эрхлэгч эмэгтэйчүүдийг дэмжих хөтөлбөр - Транскапитал II

Улс:	Монгол
Төслийн дугаар:	53415
Бизнесийн салбар:	Банк санхүү (банк бус)
Мэдээллийн төрөл:	Хувийн хэвшил
Байгаль орчны ангилал:	
Хэлэлцэх хурлын огноо:	2022 оны 10 дугаар сарын 11
Төлөв байдал:	Батлагдсан
Төслийн Хураангуй баримт бичиг /ТХББ/ Англи хэлээр танилцуулсан огноо: 2022 оны 10 сарын 13	

Төслийн танилцуулга

ЕСБХБ-ны Санхүүжилтийг үндэсний мөнгөн тэмдэгтээр олгох хөтөлбөрийн хүрээнд 2,800,000 ам.доллар хүртэлх (төгрөгөөр) анхдагч өглөгт тооцогдох зээлийг олгох. Тус зээлийг Транскапитал БСБ ХХК-д хоёр хэсэг болгон олгож Төв Азийн Бизнес эрхлэгч Эмэгтэйчүүдийг дэмжих Хөтөлбөр (ТА БЭЭДХ)-ийн хүрээнд бичил, жижиг дунд бизнес эрхлэгч эмэгтэйчүүдэд дамжуулан зээлдүүлэхэд зориулагдана.

Төслийн зорилго

Монгол Улс дахь эмэгтэйчүүдийн бизнес эрхлэлтийг дэмжин нийслэл, хөдөө орон нутгийн хувийн хэвшлийн салбар дахь эмэгтэйчүүдийн оролцоог дэмжин бичил, жижиг ба дунд бизнес (БЖДБ) эрхлэгч эмэгтэйчүүдийн санхүүгийн хүртээмжийг нэмж, ноу хау болон зөвлөгөө өгч дэмжлэг үзүүлэхэд төслийн зорилго оршино. Жендерийн санхүүжилтийн ялгаатай байдал нь БЖДБ эрхлэгч эмэгтэйчүүдийн хувьд бизнесээ хөгжүүлэх, эдийн засагт утга учиртай оролцоход нь тулгарч буй хамгийн том саад бэрхшээл болж байна.

Шилжилтийн нөлөөлөл

Шилжилтийн нөлөөллийн үнэлгээ: 75

Энэхүү төсөл нь Төв Ази дахь Бизнес эрхлэгч эмэгтэйчүүдийг дэмжих Хөтөлбөрийн зорилтуудыг хэрэгжүүлэн, Тэгш оролцоо ба Өрсөлдөх чадварууд бүхий чанаруудыг бий болгосноор шилжилтийн нөлөөлөл үзүүлэх хүлээлттэй байна. Тус зээл нь эмэгтэйчүүдийн бизнес эрхлэлтийг дэмжихийн зэрэгцээ "санхүүгийн хүртээмж" ба "ажил эрхлэлт, бизнес эрхлэлт"-ийн жендерийн дутагдлуудыг багасгаж бизнесийн орчинд эмэгтэйчүүдийн идэвхтэй оролцоог дэмжинэ. Энэ зээл нь Монгол Улсад хэрэгжүүлж буй Бизнес эрхлэгч эмэгтэйчүүдийг дэмжих хөтөлбөрийн хүрээнд Транскапитал ББСБ-т 2021 онд олгогдсон зээлийн үргэлжлэл болгон олгогдох хоёр дахь зээл юм.

Харилцагчийн мэдээлэл

Транскапитал ББСБ ХХК

Транскапитал ББСБ ХХК нь 2001 онд үүсгэн байгуулагдсан Монголын томоохон ББСБ-уудын нэг юм. Санхүүгийн салбарын 5%-ийг эзлэх ББСБ-уудын дунд Транскапитал ББСБ ХХК нь бичил, жижиг ба дунд бизнес эрхлэгчдэд зээл олголтоороо тэргүүлдэг. Тус компани Улаанбаатар хотод 19, 15 аймагт 16 салбар нэгжээр дамжуулан ЖДҮ, өрх, хувь хүнд зээлийн үйлчилгээ үзүүлдэг. Транскапитал ББСБ ХХК нь ЕСБХБ-тай 2013 оноос хойш хамтран ажиллаж байгаа харилцагч байгууллага.

ЕСБХБ-ны санхүүжилтийн тойм

2,800,000.00 ам.доллар

ЕСБХБ-ны санхүүжилт: 2.8 сая доллартай тэнцэх дүн

Төслийн нийт өртөг

2,800,000.00 ам.доллар

ЕСБХБ-ны санхүүжилт: 2.8 сая доллартай тэнцэх дүн

Байгаль орчин, нийгмийн тойм

Санхүүгийн зуучлагчид - ангилал (2019 оны Байгаль орчин, нийгмийн бодлого баримт бичиг) болон бага эрсдэлтэй. Транскапитал ББСБ ХХК нь ЕСБХБ-ны харилцагч бөгөөд ЕСБХБ-ны Байгаль орчин, аюулгүй байдлын газраас харилцагч байгууллагын төслийн үнэлгээний үйл явц, зээл олголт, хяналтад үнэлгээ хийсэн. Тус компани Гүйцэтгэлийн шаардлага 9-д нийцсэн Байгаль орчин, эрүүл ахуй, аюулгүй байдлын стандартуудын эрсдэлийн удирдлагыг хэрэгжүүлж, Гүйцэтгэлийн шаардлага 2 ба 4-ийн дагуу хөдөлмөр болон Эрүүл мэнд, аюулгүй ажиллагааны стандартуудыг өөрийн ажилтнууддаа нэвтрүүлсэн. ЕСБХБ-тай

харилцах бүх харилцаанд шаардлага хангаж байсан бөгөөд энэ хугацаанд процесс болон журмуудын шаардлага хангаж байсан. Зээлдэгч дээрх шаардлагуудыг үргэлжлүүлэн хэрэгжүүлж, хувийн аж ахуй, жижиг дунд бизнес болон бичил зээлүүдэд тус Банкны Байгаль орчин, эрүүл ахуй, аюулгүй байдлын стандартуудыг үргэлжлүүлэн мөрдүүлнэ.

Техник хамтын ажиллагаа

А. Техник хамтын ажиллагаа /ТХА/

Төв Азийн Бизнес эрхлэгч эмэгтэйчүүдийг дэмжих Хөтөлбөр (ТА БЭЭДХ)-ийн хүрээнд олгогдох ТХА нь дараах хоёр хоорондоо хамааралтай хэсгээс бүрдэнэ:

- (i) Харилцагч санхүүгийн зуучлагч байгууллагуудад зориулсан чадавх сайжруулах хөтөлбөр

Санхүүжилтийн эх үүсвэр: We-Fi

Дүн/валютын төрөл: Төв Азийн Бизнес эрхлэгч эмэгтэйчүүдийн Хөтөлбөрийн төвшинд 5 сая ам.доллар

Санхүүжилтийн төлөв: Батлагдсан

- ii) Зөвлөх Үйлчилгээ Хөтөлбөрөөр дамжуулан эмэгтэйчүүдийн эзэмшлийн ЖДҮ-ийн чадавх сайжруулах хөтөлбөр

Санхүүжилтийн эх үүсвэр: We-Fi

Дүн/ валютын төрөл: Төв Азийн Бизнес эрхлэгч эмэгтэйчүүдийн Хөтөлбөрийн төвшинд 4.5 сая ам.доллар

Санхүүжилтийн төлөв: Батлагдсан

Б. Хамтарсан буцалтгүй тусламж/ Концессийн Санхүүжилт (Техник хамтын ажиллагаа бус)

БЭЭДХ-ийн хүрээнд зээлийн 10 хүртэлх хувийг Эхний Эрсдэлийн даатгалаар хамгаалсан буюу 0.28 сая ам.долларын (зээл тус бүрийн 70% хүртэлх) алдагдлыг нөхөх эрсдэлийн хамгаалалт багтаасан. Энэ Хөтөлбөрт оролцсоноор Транскапитал ББСБ ХХК-ийн зээлийн алдагдлыг дээрх байдлаар нөхөх юм.

Санхүүжилтийн эх үүсвэр: We-Fi

Дүн/валютын төрөл: 0.28 сая ам.доллар

Санхүүжилтийн төлөв: Батлагдсан

Техник хамтын ажиллагаа бус: Эхний Эрсдэлийн даатгал нь ЕСБХБ-ны эхний эрсдэлийг ЖДҮ Үндэсний мөнгөн тэмдэгтийн тусгай сангаас санхүүжүүлэн даана.

Нэмэлт ашиг тус

Санхүүжилтийн бүтэц: ЕСБХБ зах зээл дээр байхгүй байгаа үндэсний мөнгөн тэмдэгтээрх санхүүжилтийн нөхцөлүүдийг санал болгож байна.

Мэдлэг, инновац, ба чадавх сайжруулах: ЕСБХБ-аас харилцагч байгууллагад төслийн зорилгуудыг цаг тухайд нь биелүүлэхэд шаардлагатай чухал чадварууд болох туршлага, инновац, болон мэдлэгээр хангана. Үүнд үйлчлүүлэгчийн чадавхыг бэхжүүлэхэд дэмжлэг үзүүлнэ.

Холбоо барих хүний мэдээлэл

Ноён Б. Есүгэн

yesugen@transcapital.mn

+97670111000

www.transcapital.mn

Транскапитал Байр, Партизаны гудамж, Сүхбаатар дүүрэг 4-р хороо,
Улаанбаатар 14250, Монгол Улс

Шилжилтийг ойлгох нь

Шилжилтийн нөлөөллийг хэмжих чиглэлд ЕСБХБ-ны баримталдаг арга хандлагын талаарх нэмэлт мэдээллийг [эндээс](#) авна уу.

Бизнес боломжууд

Бизнес боломжууд болон худалдан авалтын талаар үйлчлүүлэгч компанитай холбогдоно уу.

ЕСБХБ-тай хамтран ажиллах боломжууд (худалдан авалттай холбоогүй)-ын талаар сонирхвол дараах утасны дугаар, цахим хаягаар холбоо барина уу.

Утас: +44 20 7338 7168

Цахим шуудан: projectenquiries@ebrd.com

Төрийн хэвшлийн төслүүдтэй холбоотой мэдээлэл авахыг хүсвэл [ЕСБХБ-ны Худалдан авалт](#) хэсэгт зочилно уу.

Утас: +44 20 7338 6794

Цахим шуудан: procurement@ebrd.com

Ерөнхий лавлагаа

Дэлгэрэнгүй лавлагааг [ЕСБХБ-ны Лавлагааны маягт](#) ашиглан авах боломжтой.

Байгаль орчин, нийгмийн бодлого (БОНБ)

[БОНБ](#) болон холбогдох Гүйцэтгэлийн Шаардлагууд (ГШ) нь ЕСБХБ-ны “байгаль орчинд ээлтэй, тогтвортой хөгжил”-ийг хөхиүлэн дэмжих үүрэг амлалтаа биелүүлэхэд баримтлах арга замуудыг тодорхойлдог. БОНБ болон ГШ-д үйлчлүүлэгчийн зүгээс олон нийтийн мэдээлэл, хэлэлцүүлгийн талаарх үндэсний хууль тогтоомжийн холбогдох заалтуудыг дагаж мөрдөх, мөн оролцогч талуудын санал гомдол, ялангуяа үйлчлүүлэгч ба төслийн байгаль орчны болон нийгмийн гүйцэтгэлийн талаарх санал гомдлыг хүлээн авч, шийдвэрлэдэг гомдол барагдуулах механизм бий болгох тухай тодорхой заалтууд багтсан байдаг. ЕСБХБ нь аливаа төслийн байгаль орчны болон нийгмийн эрсдэл, нөлөөллийн мөн чанар, цар хүрээнд дүйцүүлэн, тухайн төслийн улмаас үүсэх эрсдэл, үр нөлөөллийн тухай мэдээллийг шаардлагын дагуу ил болгох, эсвэл оролцогч талуудтай утга учиртай зөвлөлдөх, тэдний санал хүсэлтийг харгалзан үзэж, хариу өгөх нэмэлт шаардлагыг үйлчлүүлэгчиддээ тавьдаг.

Энэ чиглэлд ЕСБХБ-ны хэрэгжүүлдэг практикийн талаарх нэмэлт мэдээллийг [БОНБ](#)-д оруулсан болно.

Бүрэн төгс байдал ба комплаенс

ЕСБХБ-ны Комплаенс хариуцсан Захирлын Ажлын алба (КЗАА) нь сайн засаглалыг хөхиүлэн дэмжиж, олон улсын шилдэг практикт нийцүүлэн Банкны бүхий л үйл ажиллагаан дахь бүрэн төгс байдлыг хамгийн дээд стандартаар хангахад анхаарч ажилладаг. Төслүүдийн зүгээс Банкинд бүрэн төгс байдал, нэр хүндийн хувьд хүлээн зөвшөөрөх боломжгүй эрсдэл үүсгэхгүй байх нөхцлийг хангахын тулд тус Банк бүх үйлчлүүлэгчийнхээ бүрэн төгс байдалд нарийвчилсан үнэлгээ хийдэг. Банк аливаа асуудлыг төслийн үнэлгээг батлах үе шатанд илрүүлэн тогтоож, шийдвэрлэх нь Банкны транзакцийн бүрэн төгс байдлыг хангах хамгийн үр дүнтэй арга зам гэж үзэж байна. КЗАА нь эдгээр хамгаалалтын арга хэмжээг авахад голлох үүрэг гүйцэтгэж, мөн төслүүдийн хөрөнгө оруулалтын дараах бүрэн төгс байдлын эрсдлийг хянахад тус дөхөм үзүүлдэг.

Түүнчлэн, КЗАА нь ЕСБХБ-ны санхүүжүүлсэн төслүүдтэй холбоотой залилан мэхлэлт, авилга, хээл хахууль болон буруу үйлдлийн талаарх гомдлын мөрөөр судлан шалгах үүрэгтэй. Банкны ажилтнууд, эсвэл гадна байгаа хэн ч бай залилан мэхлэлт болон авилгал үйлдэгдсэн хэмээн сэжиглэж буй тохиолдолд Комплаенс хариуцсан захиралд compliance@ebrd.com цахим шуудангийн хаяг руу бичгээр илтгэх ёстой. Мэдээлэгдсэн бүхий л асуудлын мөрөөр хянан шийдвэрлэх ажлыг

КЗАА гүйцэтгэнэ. Нэр хаягтай болон нэр хаяггүй бүх мэдээллийг шалгана. Мэдээллийг Банкны албан ёсны хэл болон үйл ажиллагаа явуулдаг улс орнуудын хэлний алианаар ч үйлдэж болно. Ирүүлсэн мэдээлэл нь чин сэтгэлийн байх ёстой.

Мэдээллийн хүртээмжийн бодлого (МХБ)

МХБ нь 2020 оны 1 дүгээр сарын 1-нээс хүчин төгөлдөр хэрэгжиж эхэлснээс хойш ЕСБХБ мэдээллийг хэрхэн олон нийтэд ил тод болгох, өөрийн стратеги, бодлого болон үйл ажиллагааны талаарх мэдлэг, ойлголтыг нэмэгдүүлэн сурталчлах чиглэлд оролцогч талуудтай хэрхэн зөвлөлдөх арга замуудыг тодорхойлсон байдаг. ЕСБХБ-ны вэб сайтаас ямар мэдээлэл авах боломжтойг мэдье гэвэл [Мэдээллийн хүртээмжийн бодлого](#) хуудсанд зочилно уу.

Мэдээлэл авах тодорхой хүсэлтээ [ЕСБХБ-ны Лавлагааны маягт](#) ашиглан илгээх боломжтой.

Төслийн хариуцлагын хараат бус механизм (ТХХБМ)

Хэрэв байгаль орчин, нийгэм болон мэдээллийн ил тод байдалтай холбоотой санал гомдлоо үйлчлүүлэгч болон Банкинд тавьж шийдвэрлүүлэх (жишээлбэл: үйлчлүүлэгчийн Төслийн түвшний гомдол барагдуулах механизмаар дамжуулж, эсвэл Банкны удирдлагатай шууд харилцах замаар) оролдлого, хүчин чармайлт нь амжилтгүй болвол, хувь хүн болон байгууллагууд санал гомдлоо ЕСБХБ-ны Төслийн хариуцлагын хараат бус механизм (ТХХБМ)-аар дамжуулан шийдвэрлүүлэхийг зорьж болно.

ТХХБМ нь Төсөлтэй холбоотой бусдад хор хохирол учруулсан (эсвэл учруулж болзошгүй) гэж үзэж буй асуудлуудыг хараат бусаар хянан шалгадаг. Энэхүү Механизмын зорилго нь байгаль орчин, нийгэм болон мэдээллийн ил тод байдалтай холбогдох асуудлуудыг шийдвэрлэх талаар Төслийн оролцогч талуудын хоорондох яриа хэлэлцээг дэмжих; Банк өөрийн [Байгаль орчин, нийгмийн бодлого](#), эсвэл [Мэдээллийн хүртээмжийн бодлого](#)-ын Төсөлд холбогдох заалтуудыг дагаж мөрдсөн эсэхийг тогтоох; мөн шаардлагатай тохиолдолд Банкны зүгээс эдгээр бодлогод үл нийцсэн зөрчлийг арилгах, түүний зэрэгцээ цаашид тийм зөрчил гарахаас урьдчилан сэргийлэхэд оршино.

ТХХБМ болон түүний эрх үүргийн талаар илүү ихийг мэдэхийг хүсвэл [Төслийн хариуцлагын хараат бус механизмын вэб сайт](#), хянан шалгуулах хүсэлт тавих бол

Хүсэлт хаягаар тус тус хандана уу. Эсвэл ТХХБМ-ын талаар, мөн санал хүсэлт хэрхэн тавих тухай чиглэл заавар, нэмэлт мэдээлэл авах бол ipam@ebrd.com цахим шуудангаар хандаж болно.